



Inatsisartunut Ilaasortaq  
Karl Lyberth, Siumut  
/MAANI

Inatsisartut Suleriaasianni § 37 naapertorlugu imatut aperivutit:

**Naalakkersuisunut apeqqut:**

**Aalisarnermut inatsisip allannguutissaannik suliaqarnermi, tusarniaanermut akis-  
sutit nalinginnaasut saniatigut, kattuffiit KNAPK aamma GA Naalakkersuisumit  
qanoq suleqatigineqarsimappat aamma paasitinneqartarsimappat.**

**Akissut:**

**Suliap aallartinnera**

Aalisarneq pillugu inatsisissatut siunnersuummut missingiusiaq 18. juni 2010 tusarniuti-  
gineqarpoq, tusarniaanermi akissuteqarnissaq 20. august 2010-mut killeqarluni. Tusar-  
niutip nassiutinnginnerani GA KNAPK-lu ataatsimeeqatigineqarput, tassani isumaqatigi-  
issutaalluni suliap suliareqqinnerani aalisarneq pillugu inatsisissamut siunnersuummut  
missingiussa 2009-meersoq aallaavigineqassasoq.

Taamaalilluni "inatsit tamarmiusoq" tusarniutigineqarpoq. Aalajangersakkat taakku mar-  
luk ullormut oqaluserisassaniittut eqqarsaatigalugit, § 6 atuuttoq allanngortinneqann-  
gilaq inatsisissatullu siunnersuummi 10%-it 15 %-imut qaffanneqarlutik.

**2010-mi aasakkut tusarniaareernerup kingorna**

Tusarniaaneq naammassimmat paasinarsivoq aalajangersakkani pingaarnerni arlalinni  
kattuffiit taakku marluk isumaqatigiinngitsorujussuusut.

2010-mi aasakkut tusarniaanerup siunnersuutissallu suliarineqarnissaata UPA 2011-mut  
kinguartinneqarnissaanik aalajangernerup (katuuffiit isumaqatigiinnginnerat pissutigerpi-  
arlugu Naalakkersuisut taamaaliorput) kingorna kattuffiit isumaqatigiissutigisinnaasaan-  
nik tigussaasunik siunnersuuteqartinniarlugit Naalakkersuisoqarfik arlaleriarluni misiliis-  
arpoq. Tamanna iluatsinngilaq. KNAPK kingullermik nalunaarpoq inatsisissatut siunner-  
suutip kinguarateqqinneqarnissaa kissaatigalugu, taamaalilluni aningaasatigut pissutsit  
arlallit paasinianeqarniassammata. Nalilersuinerilli taamaattut sunik imaqassanersut  
KNAPK-p erseqqissanngilaa.

Naliliivungali aalisarnermi aqqissuussaannermi maannakkut ajornartorsiutaasut imatut  
annertutigisut, aalisarneq pillugu inatsisip allanngortinneratigut inuussutissarsiummut si-  
naakkutaasumik atugassaritinneqartut pisariaqartumik piaartumik arlalinnik allanngortit-  
tariaqartut. Taamaammatt tamanna alloriarnerit marluk atorlugit ingerlanneqarnissaa  
Naalakkersuisunut siunnersuutigigaara. Alloriarneq siulleq UPA 2011-mi pissaq, allori-  
arnerullu aappaa kingusinnerpaamik UPA 2012-imi ingerlanneqassaaq.

10. apr 2011  
Sagsnr. 2011-048499  
Dok. Nr. 602689

Postboks 269  
3900 Nuuk  
Tlf. (+299) 34 50 00  
Fax (+299) 32 47 04  
E-mail: apnn@nanoq.gl www.n-  
anoq.gl

Alloriarneq siulleg ukuninga imaqaassaaq:

Aalisarnerup peqassutsikkut aningaasatigullu imminut nappassinnaalernissaa qitiusoq pingaarnertut oqariartuutigineqassaaq. Tassani aalisarnermik inuussutissarsiutip aningaasatigut imminut nappassinnaanissaa piumasaqaataavoq, pisortallu sapinngisamik tapersiissuteqartinnagit aqqissuussaannerup nalimmassarnissaa nammineq ingerlassinnaasariaqarlugu.

Inatsimmut allannguutissatut siunnersuut una isigigaanni aasamilu 2010-mi tusarniaa-nermi akissutitut sanilliullugu imatut isikkoarpoq:

	KNAPK-mit oqaaseqaatit	GA-mit oqaaseqaatit
<p>"Imarsiutitik gummeqartusaa-taanaermik" taaneqartartoq atorunnaarsineqassaaq. Aalajangersagaq tassaavoq inuit ataasiakkaat qaammatsiutit mallilugit ukiuni marlunni siulini inuussutissarsiutigalugu aalisartuusimasut aalisar-sinnaanermut akuersis-summik pissarsisinnaasut. Aalisarnermik inuussutissarsiutip ineriartornissaani ingerlatsinermut pisinnaasanik annertusisanik piumasaqaataaffiuvoq. Aalisariutitik angisuunik akisuunik ingerlatsinermik aningaasaqarnerannillu akisusaasuuneq ilinniarsimanermik pisinnaasaqarnermillu piumasaqaataaffiuvoq. Tamanna aamma aalisarnermi ingerlatseqatigiiffinnik nunaqavissut, taamaalillunilu pisuussutitik piginnittuuneq siaruarneqassalluni.</p>	<p>Tusarniaa-nermi akissummi 19. august 2010-meersumi KNAPK allappoq malittarisassat imatut isikkulersorneqassasut inuit nunaqavissut kisimik kilisaatinik angallatinillu piginneqataasinnaassasut.</p>	<p>Piumasaqaatit taakku sak-kukillisinnissaat GA-p ukiuni arlalinni kissaatiginikuu-aa.</p>
<p>Sinerissap qanittuani raajarniarnermi pisassiissutit killingi minnerpaamik 15 procentimut qaffanneqassapput. Tamanna pivoq aalisarnermi tassani aalisariutit anginerunissaat aalisar-sinnaassuseqarnerunissaallu qulakkeerniarlugit.</p>	<p>Minnerpaamik 15 %-imut qaffaanissaq kissaatigere-lugu KNAPK-p isummani allanngortippaa, kissaatigalugulu maannakkut qaffasinnerpaaffissaq 10%-i-isoq allanngortinneqassanngitsoq.</p>	<p>GA-p oqaatigaa Aalisar-neq pillugu Ataatsimiititaliar-suup isumaliutissiissutaata tunniunneqarnerata kinguneranik pisassiissutit qaffasinnerpaaffissaasa 15%-imit annertunerunissaat pisariaqartoq.</p>

Alloriarnerup aappaani immikkoortut pingaarnertit uku sammineqassapput:

1. Raajarniarnermi kinguaariit nikinneranni ajornartorsiutit.
2. Nunanit allaneersut piginnittuusinnaanerit apeqquut.
3. Tulaassisusaatitaaneq.
4. Pisuussutitik atuinermi erniat pillugit apeqquut.
5. Sinerissap qanittuani avataanilu aalisarnerit immikkoortinneqarneri.
6. Pisassiissutit nammineq pigisat atorunnaarsinnissaat pillugu nalunaaru-teqar-tarnermik apeqquut.

Aammattaaq oqaatigineqassaaq aalisakkat akii pillugit isumaqatigiinniartitsisarfirmik inatsisiliornikkut pilersitsinissamik suliaq naalakkersuisoqarfiup aallartinnikuugaa. Tamanna pivoq KNAPK-p kissaataa tunngavigalugu, taanna isumaqarpoq pineqartumi bonuseqartitsisarnermik aaqqissuussinermik immikkut isumaqatigiissuterpassuit il.il. maannakkut paasiuminaatsuusut aamma aalisakkat qaleruallillu akiinik tunisassioortut namminnek aalajangersaasaraluttuinnalersut.

Naalakkersuisut 30. december 2010 aalajangiipput pilersaarut qulaani taaneqartoq malineqassasoq. Aalajangiinerup kinguninngua kattuffiit taakku marluk 11. januar 2011-mi paasissutissiinissamut aggersarneqarput.

### **GA-mik KNAPK-millu 11. januar 2011 nal. 9.30 ataatsimeeqateqarneq**

Aalisarnek pillugu inuussutissarsiutini immikkoortumi siulittaasoq Søren Brandt aamma pisortaq Henrik Leth GA-mit peqataapput. KNAPK-mit peqataapput siulittaasoq Leif Fontain (telefonikkut), pisortaq Alfred Jakobsen kiisalu Petrus Biilmann (telefonikkut).

Aalisarnermut, Piniarnermut Nunalerinermullu Naalakkersuisoq allannguutissatut siunnersuutip upernaakkut ataatsimiinnermi saqqummiunneqarnissaanik Naalakkersuisut aalajangiinerat pillugu ataatsimiinnermi ilisimatitsivoq, tassani "imarsiutinik qummeqartuunissamik paragraffip" allanngortinniarnearluni aammalu pisassiissutit qaffasinnerpaaffissaata 10%-imiit 15%-imut allanngortinniarnearluni. Pisassiissutit qaffasinnerpaaffissaata allanngortinneqarnissaa KNAPK-p akerlerilluinnarpaa, GA-llu aalajangiinnermik iluarisimaarinninnini oqatigalugu. "Imarsiutinik qummeqartussaannermik" taaneqartartoq oqallisigeqqinneqanngilaq, taamaammallu paragraffip taassuma atorunaarsinneqarnissaa pillugu siunnersuummik Naalakkersuisut maannakkut saqqummiipput ilaatigullu KNAPK-mit tusarniaanermi akissut 19. august 2010-meersoq innersuussutigisinnaallugu.

### **5. februar nal. 19.30 tamanut ammasumik Ilulissani ataatsimiititsineq**

KNAPK-mi siulittaasoq Leif Fontain aamma GA-mi pisortaq Henrik Leth aamma qaaqqullugit Naalakkersuisup aaqqissugaanik Ilulissani tamanut ammasumik ataatsimiititsinermi suliap ingerlanerani qulaani allaaserineqartoq saqqummiunneqarpoq.

Naggasiullugu oqaatigineqassaaq Upernaakkut ataatsimiinnermut tunniussinissamik killissarititaq tassaasoq 25. januar 2011. Naalakkersuisut aalajangernerisa kingorna inatsisip oqaasertassai oqaaseqaatillu allallugit suliaq aallartippoq suliallu kingusinnerpaamik 1. marts 2011 naammassinissaa killiliunneqarluni, tassani inatsimmut allannguutissatut siunnersuut Inatsisartunut tunniunneqarpoq.

Naggasiullugu allaaserisat uku innersuussutigissavakka, ajornartorsiutit taakkunani sukumiisorujussuarmik allaaserineqarput kattuffiillu taakku marluk aamma peqataankuullutik:

1. KNAPK-p aamma Royal Greenland A/S-ip raajarniarneq pillugu nalunaarusiaat upernaq 2008-meersoq.
2. "Karlsenip suleqatigiissitaliaata" inassuteqaatai aasaq 2008-meersut.
3. Aalisarnek pillugu ataatsimiititaliarsuup isumaliutissiissutaa februar 2009-meersoq.

Qulaani taaneqarut tigunissai kissaatigigukku taakku ilinnut nassiussinnaavagut.

Inussiarnersumik inuulluaqqusillunga

Ane Hansen